

## Аньшаньск комбинатин коксохимическ баз тосхлгън дуусгдв

ПЕКИН, мартин 9. (ТАСС). Синьхуа агентствин сонъсхварар болхла, мартин 7-д Аньшаньск металлургическ комбинатин шин коксовой, гурвдгч номертā беш эклдж тūрūн коксан ъгч. Эн беш кѡдлмшт орснас иштā, Аньшаньск комбинатин цуг коксохимическ заводмудин тосхлт дуусгдв.

Зурагъар болхла, 1953 джилас авн 1960 джил кўртл Аньшаньск металлургическ комбинатд шин арвн коксовой беш тосхгддж, хуучн бāяснь ясгдх зѡвтā бāясмн. Эн зура ода давулдж кўцāгдв.

Гурвдгч номертā коксовой беш тосхкд тавхн сар ўлўшгцаг керглгдв. Цуг коксовой бешмўдиг тосхснас болн ясснас, эн коксовой беш тосхлгън āмтин ахр цагин эргцд кедж дуусгдв.

Шин коксохимическ заводмуд эврāннь гаргъсн коксарн Аньшаньск металлургическ комбинатиг болн нань чигн предприятиег тетксн деерāн, орнутгин селāнā эдл-ахун тѡлā дала āдл химическ удобрень ъгч чадхмн.